

СИРДАРЁДА ҲОСИЛ БАЙРАМИ



Сирдарё вилояти деҳқон фермерлари, ризқ-рўз яратувчилари шу йил 16 декабрь куни “ Ҳосил байрами”ни Боёвут туманидаги “Тараққиёт” суви истеъмолчилари уюшмаси ҳудудидаги катта майдонда зўр шодиёналик билан нишонладилар. Эътиборли жиҳати, аввало туман ҳокимлиги мажлислар залида “ Ўзбекистон йилқичлиги: кеча ва бугун” мавзуида илмий-амалий анжуман ташкил этилди. Анжуман ишини вилоят ҳокимининг ўринбосари Комилжон Собиров бошқариб борди.

Қатнашчилар - спорт федерацияси вакиллари, етакчи олимлар ҳозирги кунда мамлакатимизда 15 та йилқиччилик насл хўжалиги фаолият кўрсатаётгани, зотдор қорабайир отларини кўпайтириш ва от спортини ривожлантириш кечиктириб бўлмайдиган вазифалардан бири эканлигини алоҳида таъкидлаб ўтдилар. Қорабайир зотли отларни кўпайтириш, йилқиччилик насл хўжалигини Сирдарё вилоятида ҳам йўлга қўйиш долзарб вазифа этиб белгиланди.

Ҳосил байрами ўтказилаётган майдонга эрта тонгдан одамлар гуррос кела бошладилар. Бу халқимизнинг ушбу шодиёна кунлар, азалий байрамимизга соғинчи нечоғлик баландлигидан мужда берарди.



Ҳар бир туман ва шаҳар вакиллари алоҳида меҳмон кутадиған ўтов хозирлашған. Деҳқонларимиз етиштирган турли ноз-неъматлар расталари бу йил мева-чева, сабзавот ва полиз маҳсулотлари ҳар йилдагидан мўл ва сархил бўлганини англатиб турибди. Бир томонда санъаткорлар дилрабо куй ва кўшиқлари билан дилларга ўзгача хушнудлик улашмоқдалар. Кўчкор уриштириш, кўпқари ўйинлари, спортчилар чиқишларидан ишқибозларнинг қувончилари чексиз. Ҳосил байрами-халқ сайлига вилоятимизнинг барча туманларидан минглаб одамлар йиғилди.

Вилоят ҳоқими Ғофуржон Мирзаев “Ҳосил байрами” қатнашчиларини улкан шодиёна билан қутлаб, бу йил вилоят пахтакор ғаллакор ва соҳибкорлари эришған улкан муваффақиятларни алоҳида мамнунят билн тилга олди. Айниқса пахтакорларимиз кўлга киритған улкан ютукда Боёвут, Ховос, Мирзаобод туманлари деҳқонларининг ҳиссалари салмоқли бўлди. Ушбу туманларнинг пахтакорлари шартнома режаларини ошириб бажриб, эл-юрт олдида берған ваъдаларини ёруғ юз билан оқладилар. Вилоятимиз ғаллакорлари мисли кўрилмаған маррани эгаллаб, республикада иккинчи бўлиб шартнома режаларини бажардилар.

Вилоят ҳоқими Ғофуржон Мирзаев туман ҳоқимларининг ўринбосарлари, туман қишлоқ ва сув хўжалиги бўлимларининг

бошлиқлари, туманлар “Агрокимё” филиаларининг раҳбарларига Президент совғаси -“Нексия” ва “Дамас” автомобилларининг калитларини тантанали равишда топширди.



Тошкентдан келган ва вилоятимизнинг кўзга кўринган санъаткорлари, ижодий жамоалари томонидан ижро этилган кўшиқ ва куйлар, рақслар тадбир қатнашчилари қалбига ўзгача завқ ва шавқ улашди. Айниқса, хушовоз хонанда Анвар Собировнинг дилбар кўшиқлари томошабинларга жуда манзур бўлди.



Хоразм ва бухородан келтирилган қўчқорлар жанги, кўпкари ўйинлари кечгача давом этди. Энг эпчил ва чакқон чавандозлар катта совринларнинг соҳиблари бўдилар.





- Вилоятимизда “ Ҳосил байрами” тантаналарининг қайта тикланиб, қишлоқ хўжалик ходимлари кунининг ўзгача шодиёналик билан нишонланаётгани кўп йиллик меҳнатимиз қадр топаётганлигининг белгисидир, - дейди Сирдарё туманидаги “Меҳри дарё” фермер хўжалиги раҳбари Абдуқодир Намозов. - Ҳалол ва самарали меҳнатим туфайли бу йил қишлоқ хўжалик ходимлари куни ҳукуратимизнинг юксак мукофоти - “Дўстлик” ордени билан тақдирландим. Бу менга эмас, бутун Сирдарё тумани деҳқонлари меҳнатига берилган юксак баҳо деб ўйлайман.” Ҳосил байрами” тантанасида барча қишлоқ хўжалик ходимларини улуғ байрамлари билан табриклайман ва хўжалигимизда барча тармоқларни ривожлантириш йўлида бор куч-ғайратимни аямайман.

Бозорбой БЕКМУРОДОВ